


**Raport Vjetor i  
Drejtorisë së Akreditimit  
të Kosovës për vitin 2012**





## Raporti Vjetor për vitin 2012

### Drejtoria e Akreditimit e Kosovës

#### I. Hyrja

##### Drejtoria e Akreditimit e Kosovës (DAK)

DAK, është institucion i vetëm shtetëror i themeluar me ligj, i pavarur në marrjen e vendimeve për akreditim e laboratorëve testues/kalibrues, trupave inspektues dhe certifikues. Aktivitetin e saj e ka filluar si Njësi e Akreditimit në vitin 2008 dhe ka funksionuar në bazë të Ligjit Nr. 02/L-43 “Për Akreditim” si dhe Udhëzimit Administrativ Nr. 2006/15.

Tani veprimtaria e Drejtorisë së Akreditimit të Kosovës (DAK) bazohet në Ligjin nr. 03/L-069 datë 13.12.2008 dhe amendamenti i ligjit të ri Nr 04/L-007 28.06.2011 “Për Akreditim”. Funksionalizimi i DAK-ut është bërë në bazë të UA Nr 2009/02 “Për organizimin e Drejtorisë së Akreditimit të Kosovës”.

Baza ligjore për funksionimin e Drejtorisë së Akreditimit të Kosovës është :

- Ligji i Akreditimit Nr 03/ L- 069 (amendamenti i ligjit të ri Nr.04/L-007)

•

Aktet nënligjore:

- UA Nr. 2009/02 “Për organizimin dhe funksionimin e Drejtorisë së Akreditimit”
- UA Nr. 2009/04 “Përcaktimi i tarifave për Akreditim”
- UA Nr. 2009/09 “Për formimin dhe rregullimin e veprimtarisë së Këshillit të Akreditimit”
- UA Nr. 2009/12 “Për përcaktimin e formës, përmbajtjes dhe përdorimin e Emblemës së akreditimit”
- Rregullorja e Këshillit Profesional.
- Rregullorja e punës për Komitetin Teknik
- Rregullorja për përzgjedhjen e ekspertëve teknik

Aktiviteti i Drejtorisë së Akreditimit përveç kësaj pakete ligjore, bazohet edhe në standardet ndërkombëtare për fushën e akreditimit dhe në dokumentet tjera, të lëshuara nga Organizma Ndërkombëtarë (IAF, ILAC) dhe Organizmit Evropian të Akreditimit (EA).

Adresa aktuale e Drejtorisë së Akreditimit është:



AKREDITIMI I KOSOVËS  
ACCREDITATION OF KOSOVO

## Raport Vjetor i DAK-së 2012

Rr IsmailHajdari,

Lagja e universitetit 10000 Prishtine.

[Tel:+381\(0\)3836563](tel:+381(0)3836563)

Fax: +381(0)38212807

[www.dak-ks.org](http://www.dak-ks.org)

**Misioni i DAK-ës**, është t'ju ofrojë të gjitha palëve të interesuara, akreditimin mbi bazën e rregullave të përcaktuara në ligje, standarde, rregullat teknike dhe në parimet e akreditimit.

**Vizioni i DAK-ës**, është të bëhet anëtar firmosësh i marrëveshjeve të njohjes reciproke me EA dhe të marrë pjesë aktive në procesin e zhvillimit ekonomik të vendit. Me këtë rast do të njiheshin certifikatat e vlerësimit të konformitetit nga të gjitha shtetet nënshkruese të MLA-së si shtetet anëtare të ILAC dhe IAF e në të cilat DAK është anëtare.

### Fjala e Drejtorit të DAK-së.



Msc Ibush Luzha

Drejtoria e Akreditimit e Kosovës (DAK) edhe vitin 2012 e përmbylli me sukses. Kjo dëshmohet edhe me rritjen e numrit të Trupave të Vlerësimit të Konfomitetit të cilat u akredituan gjatë vitit 2012, si rrjedhojë e punës intensive të stafit të DAK-së dhe interesimit gjithnjë e më të madh të sektorëve të biznesit për t'u akredituar. Përmirësimi i vazhdueshëm i performancës si dhe ofrimi i shërbimit gjithnjë e më të mirë dhe me kompetencë profesionale u arrit në saje të trajnimeve të ndryshme që stafi i DAK-së pati deri më tani. Kjo performancë e nivelit të duhur u tregua si gjatë vlerësimeve ashtu edhe gjatë mbikëqyrjeve që DAK pati gjatë vitit 2012. Gjithashtu DAK i kushtoi rëndësi te veçante edhe indetifikimit dhe eliminimit të mangësive të Sistemit të Menaxhimit të Cilësisë.

Për ta përmirësuar vazhdimisht performacën, DAK i kushtoi rëndësi te veçantë kërkesave të klientëve, andaj gjatë vitit 2012 aplikoi dialog të hapur dhe konstruktiv me konsumatorë dhe palët e interesit. Të gjitha këto kontribuojnë në menaxhimin e rrezikut, ndihmojnë në identifikimin e çështjeve emergjente, dhe gjetjen e mundësive për përmirësimin në vazhdimësi të shërbimeve dhe të performancës së DAK.

Krahasuar me vitet e tjera, DAK ka pasur një progres dukshëm më të madh, gjë që ceket edhe nga vlerësues të OECD-së (Investment Compact for South East Europe) të cilët vlerësuan se në fushën e akreditimit u arrit progres i dukshëm, duke cekur se vlerësimi paraprak i EA për DAK, edhe pse jo plotësisht i suksesshëm, ishte një instrument i shkëlqyer për progres. Është realiste te mendohet se vlerësimi i ardhshëm do të jetë pozitiv. Një sinjal tjetër pozitiv është fakti që numri i krye-vlerësuesve,




vlërësueseve dhe eksperteve është rritur që prej vlerësimit të fundit. DAK tani ka 7 krye vlerësues, 9 vlerësues teknik dhe 39 ekspert.

Angazhimi maksimal, vlerësimi i pavarur, profesional dhe me kompetence do i mundësoj DAK-së pranimin e vlefshmërisë të sistemi akreditimi si ne rajon dhe me gjerë dhe kjo do ti kontribuojë ekonomisë dhe shoqërisë Kosovare.

## II. Struktura organizative e DAK-së

Organograma:





### Struktura e Drejtorisë së Përgjithshme e Akreditimit e Kosovës

#### Drejtoria e Përgjithshme e Akreditimit të Kosovës

Drejtoria e Përgjithshme e Akreditimit e Kosovës (DAK) ofron shërbimin e akreditimit të:

- Laboratorëve testues dhe kalibruës;
- Trupave certifikues të sistemeve të menaxhimit;
- Trupave certifikues të personelit;
- Trupave certifikues të produkteve;
- Trupave inspektues;
- Trupave që realizojnë teste zotësie dhe krahasime ndër-laboratorike;
- Trupave që prodhojnë materiale referuese të certifikuar etj.;
- Përfaqëson Republikën e Kosovës në Organizatat Ndërkombëtare dhe Evropiane të Akreditimit;
- Bashkëpunon me Organizatat Kombëtare të Akreditimit të vendeve e tjera për arritjen e marrëveshjeve të njohjes së ndërsjellë, rajonale ose ndërkombëtare, apo për të arritur marrëveshje dypalëshe;
- Këshillon administratën shtetërore për çështje që lidhen me Akreditimin dhe Vlerësimet të tjera të kompetencës teknike, për kryerjen e procedurave të vlerësimit të përputhjes me standardet dhe rregullat teknike;
- Mban, përditëson dhe jep të dhëna për statusin e Akreditimit të Trupave të Akredituara;
- Bashkëpunon me Infrastrukturën e Cilësisë me Ministrinë përkatëse, me Laboratorët Testues, Trupat për vlerësim të konformitetit dhe me shoqatat e interesuara për çështjet e akreditimit;
- Kryen trajnime në Fushën Akreditimit;
- Ndërmerr veprimtari në fushën e krahasimeve ndër-laboratorike dhe të testeve të zotësisë;
- Merr të dhëna nga Organet Akreditues të vendeve të tjera për Trupat e Akredituar prej tyre, të cilët kryejnë veprimtari në Kosovë;

#### Drejtorati i Akreditimit dhe i Zhvillimit

Drejtorati i Akreditimit është pjesë e Drejtorisë së Përgjithshme të Akreditimit dhe është përgjegjëse për mirëvajtjen e procedurave të akreditimit të laboratorëve testues, kalibruese të akredituar sipas standardit ISO/IEC 17025 si dhe laboratorëve medicinal sipas standardit ISO/IEC 15189 dhe Trupave Inspektues dhe Certifikues sipas standardeve SK ISO/IEC 17020, SK EN 45011, SK ISO/IEC 17021, SK ISO/IEC 17024.

Drejtorati i Akreditimit dhe i Zhvillimit është përgjegjës për organizimin e trajnimeve sipas planit vjetor të trajnimeve të Drejtorisë së Përgjithshme të Akreditimit dhe atë sipas kërkesave të standardeve: SK ISO/IEC 17011, SK ISO/IEC 19011, SK ISO/IEC 17025, SK ISO/IEC 17020, SK EN 45011 SK ISO/IEC 17021, SK ISO/IEC 17024, SK ISO/IEC 15189, SK ISO/IEC 17043 etj. Drejtorati i Zhvillimit mbikëqyr



Sektorin e Akreditimit të Laboratorëve Testues, Trupave Inspektues dhe Certifikues dhe Sektorin e Trajnimeve dhe Komunikimit me Organizatat Ndërkombëtare.

Drejtorati i Akreditimit dhe i Zhvillimit udhëhiqet nga Drejtori i Drejtoratit për Akreditim dhe Zhvillim , i cili i raporton Drejtorit të përgjithshëm të DAK-së.

***Spektori i Akreditimit të Laboratorëve Testues, Trupave Inspektues dhe Certifikues***

Spektori për Akreditimin e Laboratorëve është pjesë e Drejtorisë së Përgjithshme të Akreditimit dhe është përgjegjëse për mirëvajtjen e procedurave se akreditimit te laboratorëve testues, kalibruese te akredituar sipas standardit ISO/IEC 17025 si dhe laboratorëve medicinal sipas standardit ISO/IEC 15189. Gjithashtu kujdeset për mbarëvajtjen e procedurës së akreditimit të Trupave Inspektues dhe Certifikues sipas standardit SK ISO/IEC 17020, SK ISO/IEC 17024, SK ISO/IEC 17021, EN 45000 etj. Spektori për Akreditimin e laboratorëve udhëhiqet nga Udhëheqësi i Spektorit, i cili i raporton Drejtoratit të Akreditimit.

***Spektori i Trajnimeve dhe Komunikimit me Organizatat Ndërkombëtare***

Spektori i trajnimeve merret me trajnimin e stafit të Drejtorisë së Përgjithshme të Akreditimit si dhe organizimin e trajnimeve për nevojat e trajnimit të Trupave për Vlerësim të Konformitetit. Bën planifikimin vjetor të trajnimeve dhe përgatitjen e materialeve promovuese në lidhje me rëndësinë e akreditimit. Përgatit raporte mujore dhe vjetore për punën e DAK-së. Gjithashtu është pika kontaktuese dhe ndërlidhëse me organizatat Evropiane dhe Ndërkombëtare të Akreditimit.

**Organet ndihmëse të DAK-së janë:**

Këshilli Professional,  
Këshilli i Akreditimit,  
Komiteti Teknik i Laboratorëve Testues/Kalibrujes,  
Komiteti Teknik i Trupave Inspektues.

**III. Aktivitetet e Drejtorisë së Akreditimit të Kosovës (DAK) gjatë Vitit 2012**

DAK ka të ngritur sistemin e menaxhimit sipas standardit ISO/IEC 17011 në bazë të cilit zhvillon edhe aktivitetin e saj. DAK kryen akreditimin e Laboratorëve testues/kalibrujes, Trupave Inspektuese dhe Trupave Certifikuese bazuar në standardet e mëposhtme:

- Laborator testues/kalibrujes sipas standardit SK ISO/IEC 17025,
- Laborator medicinal sipas standardit SK ISO/IEC 15189,
- Trupave Certifikuese të produkteve sipas kërkesave të standardit SK EN 45011,
- Trupave Inspektuese sipas kërkesave të standardit SK ISO/IEC 17020.

Qëllimi kryesor i DAK-së është që ta mirëmbajë dhe ta zhvilloj më tej akreditimin në Republikën e Kosovës, vazhdimisht duke zgjeruar fushën e akreditimit dhe duke e rritur numrin e Trupave të akredituara (Laboratorëve testues, kalibrujes dhe medicinal, Trupa Inspektuese dhe Trupave Certifikues). Ofron shërbimin e akreditimit si brenda territorit të Kosovës ashtu edhe jashtë saj duke respektuar




politikat dhe rekomandimet e EA dhe ILAC. DAK-u vlerëson kompetencën teknike të TVK si në fushën e detyrueshme ashtu edhe në atë vullnetare.

### Aktivite kryesore të DAK-së

- Të kryej monitorimin e rregullt vjetorë të TVK-ve të akredituara;
- Të pranohen aplikime të reja për procesin e akreditimit;
- Të bashkëpunoj me autoritetet e qeverisë për të zbatuar rregullat e reja teknike të harmonizuara me legjislacionin e BE-së;
- Të marrë masa për të siguruar sistem menaxhimi efektiv të DAK-së;
- Të siguroj mbështetje logjistike për punën e Këshillit të Akreditimit dhe ekspertëve që gjenden në listën e DAK-së;
- Kryen trajnime për fushën e akreditimit;
- Të siguroj masa për ti siguruar publicitet DAK-së për të promovuar akreditimin në vend dhe jashtë vendit;
- Përfaqëson Republikën e Kosovës në Organet Evropiane dhe Ndërkombëtarë të Akreditimit;
- Bashkëpunon me Ministrinë përkatëse dhe me shoqatat e interesuara për çështjet e akreditimit;
- Për t'ju ardhur në ndihme laboratorëve DAK i informon vazhdimisht TVK mbi Testet e Zotësisë (PT) dhe Krahasimet ndër laboratorike (ILC) që ofrohen nga organizmat evropiane dhe ato ndërkombëtare .
- Bashkëpunon me Organet Kombëtarë të Akreditimit në vendet e tjera për arritjen e marrëveshjeve të njohjes së ndërsjellë, rajonale ose ndërkombëtare, apo për të arritur marrëveshje dypalëshe;

### Arritjet e DAK-së


Gjatë vitit 2012, DAK në mënyrë aktive mori pjesë në implementimin e aktiviteteve të akreditimit (aktivitete të vlerësimit që kanë të bëjnë me dhënien e akreditimit, zgjerim të fushës , riakreditim si dhe aktivitete të mbikëqyrjes).





Numri rendor	TVK të akredituara sipas standardit	Numri i TVK të akredituara
1	Laborator testues (LT) KS EN ISO/IEC 17025	19
2	Laborator kalibrues (LK) KS EN ISO/IEC 17025	1
3	Trupa Inspektues (TI) KSEN ISO/IEC 17020	2
4	Ri-akreditime të TI	1
5	Tërheqje të akreditimit të LT	1

Paraqitja në formë tabelore e TVK-ve të akredituar nga DAK-ja



Paraqitja në formë grafike e TVK-ve të akredituar gjerë në vitin 2012





Vlerësimet që janë kryer gjatë viti 2012 kanë rezultuar me akreditimin e katër Laboratorëve Testues, një Laboratori Kalibrues dhe dy Trupave Inspektues:

1. **“ALDI CONSTRUCTION”**  
**SH.P.K**Laboratorin për analizat e materialeve ndërtimore,
2. **“SIERRA LAB”**, Laboratori për analizat e naftës dhe derivateve të naftës
3. **“ETL-Kosova”**, Laboratori për ekzaminimin e materialeve ndërtimore dhe shqyrtimin e konstruksioneve nga betoni.
4. **“Kosova-Lab”**, Laboratori për analizat e naftës dhe derivateve të elengetatit të naftës
5. **LK-Laboratori “ERAMET”**, Laboratori për kalibrimin e masës dhe kalibrimit të volumit
6. **TI- Seyboald Pan Adriatika**, Inspektimi i cilësisë dhe sasisë së karburantve të lëngëta të naftës dhe inspektimi i cilësisë së gazrave të lëngëzuara të naftës
7. **TI-KPU-Inspect**, Inspektimi i cilësisë së karburanteve të lëngëta të naftës dhe inspektimi i cilësisë së gazrave të lëngëzuar të naftës

Gjithashtu në bazë të planit të punës DAK ka realizuar pesëmbëdhjetë mbikëqyrjeve në Laboratorë Testues.

1. **NSH"Agrovet"**Laboratori për analiza të: tokës, mineraleve, hedhurinave industriale dhe indeve bimore. Ujit industrial dhe për ujtitje, plehrave artificiale dhe organike
2. **Sharr Beteiligungs GMBH**, Laboratori për analiza kimike dhe fiziko-mekanike të çimentos,
3. **"INKOS" sh.p.k**, Laboratori i kontrollit të derivateve të naftës,
4. **“FAN” sh.p.k**, Laboratori për analiza fiziko-mekanike të armaturës dhe nyjeve të saldimit,
5. **N.P.N”RenelualTahiri”sh.p.k**, Laboratori për analiza fiziko-mekanike për beton dhe produkte të betonit,
6. **CompactGroupShpk**, Laboratori për analiza të ujit "DEA
7. **EskavatoriCompanyShpk**, Laboratori për analiza të agregateve dhe asfalteve,
8. **SHPK M&Sillosi**, Laboratori për analiza të grurit, miellit dhe produkteve nga mielli
9. **“GEOKOS A&A”**, Laboratori i analizave gjeomekanike,
10. **Ballkan Petroll**, Laboratori i analizave të vajrave,
11. **IKSHPK-Qendra e Laboratorëve Testues:** 1.Laboratori për analiza të ujit të pijshëm dhe ujërave rekreative 2.Laboratori i kontrollit të cilësisë së ushqimit 3.Laboratori mikrobiologjik i ushqimit dhe ujit
12. **“Vëllezërit e Bashkuar” sh.p.k**, Laboratori i materialeve të ndërtimit
13. **Laboratori N.P.N”Ballkan Projekt”**, Laboratori për shqyrtimin e materialit ndërtimor, beton, asfalt si dhe hulumtime gjeomekanike dhe gjeologjike të dherave,



14. **Korporata Fito sanitare „Sara& Meti“, sh.p.k,** Laboratori i mbrojtjes së bimëve dhe laborator i bujqësor,
15. **Fabrikapërprodhimefarmaceutike „Trepfarm“**Kontrolli i cilësisë së produktevefarmaceutike “Trepfarm Laboratory”

Realizimi i tri vizitave para-vlerësuese në këta laboratorë:

1. **“ETL-Kosova”**, Laboratori për ekzaminimin e materiale ndërtimore dhe shqyrtimin e konstruksioneve nga betoni.
2. **Laboratori “ERAMET”**, Laboratori për kalibrimin e masës dhe kalibrim të volumit.
3. **SH.A. “BIRRA PEJA”-PEJË** , **“Laboratori Qendror”** Laboratori për analiza kimiko-fizike dhe mikrobiologjike të elbit, maltit, birrës, ujit dhe pijeve joalkoolike.

Janë kryer 4 vlerësime për Autorizim nga MTI-ja në dy Laboratorë Testues dhe dy Trupa Inspektuese:

1. **"SIERRA LAB"**, Laboratori për analiza të naftës dhe derivateve të naftës
2. **“Kosova-Lab”**, Laboratori për analiza të naftës dhe derivateve të lëngëta të naftës
3. **Saybolt Pan Adriatika**, Inspektimi i cilësisë dhe sasisë së karburantve të lëngëta të naftës dhe inspektimi i cilësisë së gazrave të lëngëzuara të naftës.
4. **U.P., „HOROOK”**, Për Inspektime Teknike dhe Analiza në Brezovicë

Zgjerimi fushës së akreditimit :

1. **Fabrikapërprodhimefarmaceutike „Trepfarm”** Kontrolli i cilësisë së produkteve farmaceutike “TrepfarmLaboratory”

Gjatë vitit 2012 kanë aplikuar në DAK për akreditim 11 TVK.

#### **IV. Objektivat dhe Aktivitetet në të ardhmen**

Gjatë vitit 2012 si objektivi kryesor ka qenë mbyllja me sukses e jokonformiteteve të dhëna nga grupi i vlerësimit të EA-së. Me qëllim të arritjes së këtij synimi DAK ka ndërmarrë një sërë aktivitetesh të ndryshme dhe ka bërë ndryshime gjithëpërfshirëse si në legjislacion ashtu edhe në sistemin e menaxhimit.

Në përputhje me objektivat strategjike dhe politiken e cilësisë, aktivitetet e DAK-së për vitin 2013 do të jenë të fokusuar në:

- Angazhim të mëtejshëm për përmirësimin dhe plotësimin e procedurave të DAK dhe të gjithë sistemit të akreditimit i cili do harmonizohet me praktikën e BE-se,
- Zgjerim të aktiviteteve në fusha të reja të akreditimit bazuar në nevojat e palëve të interesit,



- Ngritjen e nivelit të kompetencës së të gjithë pjesëmarrëseve në procedurë të akreditimit si të stafit permanent të DAK-së ashtu edhe të punonjëseve të jashtëm, dhe ngritjen profesionale të një numri më të madh të punonjëseve
- Rritjen e numrit kompetent të vlerësuesve dhe eksperteve teknik,
- Përmirësimin të bashkëpunimit me palët e interesit, (ministritë përkatëse, konsumatorët dhe TVK-ve të akredituara dhe asociacioneve të tyre) me qëllim të përfshirjes sa më të madhe të të gjitha palëve të interesit,
- Promovim të vazhdueshëm të rëndësisë së akreditimit dhe rrolit të tij.

### **Bashkëpunimi me organizmat qeveritar të vendit**

DAK-ja vazhdon bashkëpunimin e saj me organet e qeverisjes për zbatimin e procedurave të akreditimit për TVK, me organet përkatëse të qeverisë që japin autoritetin për zbatimin e rregullave teknike në sigurinë ushqimore, të produkteve industriale të sigurisë së mjedisit, shëndetësisë, mbrojtjen e konsumatorit dhe fushave të reja tjera të interesit publik.

### **Bashkëpunimi në nivelin Evropian dhe Ndërkombëtarë i DAK-së**

Drejtoria e Akreditimit të Kosovës, bashkëpunon me të gjitha organizmat akreditues të vendeve të Ballkanit dhe po punon për institucionalizimin e këtij bashkëpunimi duke nënshkruar disa Marrëveshje Bashkëpunimi:

-Më 27 Mars 2008, DAK nënshkroi MoU-en me Drejtorinë e Përgjithshme të Akreditimit (DPA) të Republikës së Shqipërisë.

-Më 14 Maj 2009, DAK nënshkroi MoU-en me Institutin e Akreditimit nga Republika e Maqedonisë (IARM)

-Më 19 Nëntor 2009, DAK nënshkroi MoU-en edhe me Agjencinë Turke të Akreditimit (TURKAK), Republikën e Turqisë

-Më 26 Nëntor 2009, në Brugge të Belgjikës në Asambleenë Gjenerale të EA-së, DAK është anëtarësuar në EA (Europeanco-operationforAccreditation) si anëtare me Kontratë (Co-operationMember).

-Më 17 Qershor 2010, DAK në Bruksel të Belgjikës nënshkroi MoU-en me Agjencinë Kroate të Akreditimit (HAA), Republika e Kroacisë.

-Më 27 Korrik 2010, DAK është anëtarësuar në Organizatën Ndërkombëtarë të Akreditimit të Laboratorëve ILAC InternationalLaboratoryAccreditationCooperation).

-Më 02 Gusht 2010, DAK është anëtarësuar në Forumin Ndërkombëtarë të Akreditimit (IAF) (InternationalAccreditation Forum).



- Më 24 Nëntor 2011 në Varshavë të Polonisë Drejtoria e Akreditimit e Kosovës u bë anëtarë shok (associate member) me EA (European Cooperation for Accreditation).

- Drejtoria e Akreditimit e Kosovës është në biseda për nënshkrimin e MoU-së edhe me Trupin Akreditues të Malit të Zi (ATCG).

### **Akreditimi ndërkufitar**

DAK ndjek politikën për të kontribuar në zhvillimin e akreditimit në nivel rajonal, evropian dhe ndërkombëtar dhe të bashkëpunojë me organizmat e tjera të akreditimit në harmonizimin e metodologjive dhe kriterëve, si dhe shkëmbimin e përvojave të dyanshme për procedurat e akreditimit.

Pikat kryesore për akreditimin ndërkufitar janë të përcaktuara në Politikën për akreditim ndërkufitar DAK-PO-013.

### **Trajnimet e organizuara nga DAK**

Drejtoria e Akreditimit e Kosovës (DAK) me 23 maj 2012, zhvilloi trajnim me temën “Kërkesa të përgjithshme për kompetencën e laboratorëve testues dhe kalibrues” SK ISO/IEC 17025: 2007. Në këtë trajnim morën pjesë 25 pjesëmarrës, pjesëmarrësit kryesisht ishin persona përgjegjës për implementimin dhe mirëmbajtjen e sistemit të cilësisë në laboratorë të akredituar dhe laboratorë që janë në procesin e vlerësimit si dhe ekspert të fushave të ndryshme.



Me 17 korrik 2012, DAK-ja zhvilloi trajnimin e dytë me temën “Kërkesa të përgjithshme për kompetencën e laboratorëve testues dhe kalibrues” SK ISO/IEC 17025: 2007. Në trajnim morën pjesë 23 pjesëmarrës, pjesëmarrësit e trajnimit ishin persona përgjegjës që punojnë në laborator dhe ekspert të fushave të ndryshme.



Objektivat e trajnimeve, ishin njohja me kërkesat e sistemit të menaxhimit standardit SK ISO/IEC 17025:2007.

Trajnimi i tretë nga DAK-ja ishte organizua me qëllim të njoftimit të të pranishmeve me ndryshimet që janë bërë në standardin SK ISO/IEC 17020. Në këtë trajnim morën pjesë 19 pjesëmarrës. Gjatë trajnimit pati diskutime të ndryshme si dhe pyetje.



Në fund të secilit trajnimi të pranishmeve iu ndanë certifikata për pjesëmarrje në trajnim.



DAK gjithnjë e më shumë po arrin që të rris dhe përmirësoj kompetencën stafit të saj dhe vlerësuesve teknik nëpërmjet trajnimeve. Rol të rëndësishëm në këtë aspekt pati edhe mbështetja e DAK-së nga projekti IPA 2008 dhe PTB.

Trajnimet të cilat u ndoqën nga stafi i DAK-se gjatë vitit 2012 organizuar nga projekti PTB janë:

28-29 Maj 2012 Trajnim në standardin: ISO/IEC 17020:2012 (E) -Vlerësim ikonformitetit - Kërkesat për funksionimin e llojeve të ndryshme të Trupave Inspektues, në Stamboll.

14- 16 Maj 2012 Trajnim temën “Akreditimi i Laboratorëve Medicinale” sipas standardit ISO 15189:2007, Athinë.

30 dhe 31 Tetor 2012, Trajnimi: Menaxhimi mjedisor sipas skemave të EMAS në Sarajevë

13 dhe 14 Dhjetor 2012 , Trajnim : Mbetjet e pesticideve në ushqim: Aspekti teknik i akreditimit (validiteti i metodave testuese, verifikimi i tyre dhe kontrolli i cilësisë), Tiranë.

### **Takimet rajonale të DAK-ut**

Edhe gjatë vitit 2012 DAK vazhdoi me pjesëmarrjen aktive në takimet ndryshme rajonale.

Më 9 Maj 2012, në Beograd të Serbisë u mor pjesë në takimin e Tryezës së Rrumbullakët, i mbështetur nga projekti PTB. Ndërkaq me datë 11-12 Maj 2012, në Arandjelovac të Serbisë u mor pjesë në konferencën Rajonale për Akreditim, e cila ishte e mbështetur nga projekti IPA.

Më 20 dhe 21 Nëntor 2012 morëm pjesë në takimin e Asamblesë Gjenerale të EA-së, i cili u mbajt në Bratislavë të Sllovakisë .

### **Aktivitetet e tjera të DAK-së**

Drejtoria e Akreditimit e Kosovës në vazhdimësi të aktiviteteve të saja, përmes të së cilave jo vetëm se kontribuon direkt në ngritjen e infrastrukturës së cilësisë, implementimin dhe mirëmbajtje e saj, por edhe bën promovimin e rëndësisë së akreditimit.

Me 8 qershor 2012, organizoi një manifestim rasti me qëllim të shënimit të Ditës Botërore të Akreditimit. Moto e këtij takimi ishte promovimi i akreditimit: “Një testim, një certifikim, një akreditim” ose „Një produkt i testuar njëherë, pranohet kudo”.

Të pranishmeve gjithashtu iu paraqit një material/video i shkurtër i përgatitur nga IAF/ILAC, për të shënuar ditën Botërore të Akreditimit.



Drejtoria e Akreditimit e Kosovës gjithashtu gjatë vitit 2012 mbajti takime edhe me përfaqësuesit e Trupave të Vlerësimit të Konformitetit (TVK).





Detyra më e rëndësishme e DAK-së për vitin 2012, ishte mirëmbajtja dhe implementimi i sistemit të menaxhimit, shqyrtimi dhe analiza e raportit të vlerësuesve të EA-së, që ishin për para-vlerësim, për realizimin sa më të shpejtë të nënshkrimit të marrëveshjes MLA me EA si dhe zhvillimin e mëtejshëm të sistemit të akreditimit në Republikën e Kosovës për mbështetjen e prodhuesve për zbatimin e rregullave teknike.

Rimëkëmbja ekonomike dhe ri-industrializimi i vendit nuk do të jetë e mundur pa infrastrukturën e duhur teknike ku institucionet ofrojnë shërbime për testime, matje dhe kalibrime të aparaturave me të cilat përcaktohet cilësia e produkteve.

Për zhvillim të suksesshëm DAK, duhet të sigurojë fonde të vazhdueshme dhe të qëndrueshme, hapësira për burime njerëzore për kryerjen e vlerësimeve për akreditim.

Për shkak të rritjes së vazhdueshme të numrit të aplikacioneve të reja për akreditimin e TVK dhe ngarkesës së punës, DAK ka parapa të angazhoj edhe dy punëtorë në sektorin për akreditimin e laboratorëve testues dhe kalibrues. Numri i përgjithshëm i të punësuarve tani është shtatë (7). Punonjësit e rinj do të përfshihen në programet e trajnimit intensiv për tu aftësuar për kryerjen e procedurave të vlerësimit për akreditim të TVK-ve.